

AGENDRE FEMASO YESU

MINGGU 10 Mei 2026

1. FANGOWAI BA FOGAONI

(Tedöni dorosi , möi ndra sohalöwö bakha ba gosali, ba lahalö wangahono dödö banua niha Keriso ba wangondrasi ba ba wasumangeta khö Lowalangi).

- Fangowai** :
- SA** : Ya'ami banua Zo'aya, No oi owulo ita oi faondra ba wa'owuawua dödö, me no maoso Zo'aya ya'ita Yesu Keriso moroi ba ngai zi mate. Andrö, ba döi Yesu ma'owai Ami : Ya'ahowu, no maoso Keriso.
- SATO** : Ya'ahowu !
- SA** : Keriso So'aya, no maoso Keriso
- SATO** : Duhu, no maoso Keriso.
- SA** : Ya faofao khömi Lowalangi...
- SATO** : Ya fao Khöu Geheha-Nia
- Fogaoni** :
- SA** : Da ta'owuawua'ö dödöda wangondrasi Yehowa, da ta'omusoi'ö dödöda ba Wamalua fasumangeta khö Lowalangi. Tasuno Ia, manunö ita moroi ba Mbuku Zinunö **numero 126.**

26. FEFU ITA DA TASUNO 2

do = d 4/4

MM = 88 - 96

1. Fefu ita da tasuno, Lowalangi So ' aya.
Me si sökhi tödö Ia, khöda fefu ba da' a.
2. He iraono, he satua, da tasuno Zo' aya,
Me da' ö zomasi Ia, na oi tasuno Ia.

2. FANGA'ARO'Ö WA'OWULO (VOTUM)

- SA** : Da tahonogö dödöda ba wariawösa, ba ba wa hasambua khö Lowalangi, (Muzizio zato):
No owulo ita ba da'e ba döi Lowalangi Ama, ba ba döi nono-Nia Yesu Keriso, ba ba döi Geheha Ni'amoni'ö. Fangorifida ha ba döi Yehowa si no momböi banua si yawa awö danö.....

SATO : YADUHU

SA : Ba na lö mususugi Keriso, ba si lö boto wamatimi andrö, ba lö si tebulö ami ba horömi; Ba iada'e, ba no mususugi Keriso, moroi ba ngai zi mate.
HALELUYA.....

SA : **Manunö** : BZ. : 452

HALELUYA....HALEYA.... HALELU...YA.....

SA : Mangandrö ita :
He Yesu Keriso So'aya ya'aga, Sangorifi ösi gulidanö andre. Ma'andrö saohagölö khö-U me no Ölawä wa'abölö horö ba fa'amate ba wemaoso-Mö andrö. Iada'e lö sa'ae ata'u ndra'aga ba lumö wa'abölö wa'amate andrö, me no maoso Ndra'ugö ba wangorifi ya'aga. No alömö wa'amate andrö ba wemöna, No Ö'efa'ö ndra'aga ba wa'abölö zogömigömi ba no Ö'ohe ndra'aga ba haga. No Ö'efa'ö ndra'aga moroi ba wesu horö, irege tobali ndra'aga ono khö Lowalangi Ama. He Yesu Keriso no Öfaogö ndra'aga ba wa'amate-Mö ba tesusugi göi ndra'aga ba we maoso-Mö andrö, ma'andrö khö-U böi bulö'ö khöma howuhowu-Mö, me Ya'ugö zamatörö banua si yawa awö danö i'otarai da'e irugi ba zi lö aetu. Yaduhu. **(Mudadao zato)**

3. MANUNÖ moroi ba Mbuku Zinunö Numero 244

244. FAROU DÖDÖMA, HE SO' AYA 2

do = a 4/4

MM = 96 - 104

1. Farou dödöma, he So' aya, fa böi mabato wangandrö.
Ena ' ö ha sara dödöma, wanunö abula dödö.
Ha Ya' ugö za'watöma, same ' e fondrara dödö.
2. Lala wa' aurima So' aya, lö si tobini sa khö-Mö.
Ha Ya' ugö dötöna'föma, sangila mangatulö' ö.
Ba samatörö tödöma, Geheha Ni' amoni' ö.

4. FOMBASO TAROMA LI LOWALANGI FAMÖRÖGÖ (AF)

- : Da tafondrongong daroma Li Lowalangi, tehalö moroi ba zura Yobi 33:26-33
26. P'angaröfi li Lowalangi, ba ihakhösi tödö ia; ifa'ele'ö khönia mbawania, suwuawua dödö niha, ba isulöni ba niha wolaulaunia satulö andrö.
 27. Manunö ia, ba zi so niha bö'ö, imane: 'Noa sa ufazökhi horö, ba no ubila'ö lala, ba lö'ö sa musulöni khögu.
 28. No i'orifi nosogu, lö ibe'e numalö ba gohokoho, ba omuso dödögu ba zohaga.'
 29. Hiza, da'ö fefu ilau Lowalangi ba niha, irege mendrua, irege medölu,
 30. ba wangefa'ö ba gohokoho nosonia, ena'ö humaga khönia haga ba wa'auri andrö.
 31. Töngöni, ya'ugö Yobi, fondrongondrongo khögu; böi hedehede, hana na ya'odo zi fahuhuo!
 32. Na so khöu daroma li, ba bu'a niwa'ögu; hede manö, amasido wamu'au.
 33. Ba na lö'ö, ba öfondrongondrongo khögu; böi hedehede, ena'ö ufahaö ndra'ugö ba wa'atuatua."

Simanö daroma Li Lowalangi, da tatema'ö faoma sinunö: BZ.Numero 114: 1

114. NO MAOSO YESU SO'AYA ¹

do = f 4/4

MM = 96 - 104

1. No maoso Yesu So'aya, lewatö no Iröi.
Umbu wa'auri sa Ia, ba sangorifi göi ba sangorifi göi

5. FANGANDRÖ FANGEFA HORÖ

SA : Ya'ami ira talifusö'

Na tawa'ö lö horöda, ba talimo ita, ba siduhu lö'ö ba dödöda. Na ta'ombakha'ö Horöda, ba lö faröi Ia, ba no satulö Ia,fa'i'efa'ö khöda horö andrö, ihaogö ita, awö wa'iheta fefu zilö atulö. Andrö da möi ita föna Lowalangi si fao fangidengide'ö ba wangombakha horöda, (muzizio ita fefu)

Mangandrö ita :

He So'aya ya'aga Yesu Keriso si mate ba röfa ba hili Gologata, ba si no maoso bangai zi mate. Faduhu dödöma ba daroma Li-Mö me Öwa'ö: " Ya'odo wemaoso ba fa'auri, samati khö-Gu, ba auri, hewa'ae mate ia." Ba hiza, ba lala wa'aurima seroma'ökhö asese ma'ositengagö ba ma'osilö'ögö Ndra'ugö So'aya, me ma'o'önifakhoi dödöma samösa. Bologö dödö-U khöma, ba be'e aefa khöma horöma andrö. Hakhösi dödö-U khöma So'aya, böi tehe tekiko, törötörö tödö-U wa'ebua dödö-U Awö wa'ahakhö dödö-U khöma. Böi bulö'ö ndra'aga moroi ba wa'omasi ba ba Wangorifi andrö si no Öhönagö ba zamati khö-U.....

SATO : Mangandrö ba dödö zamösana föna Lowalangi.....1 irugi 2 meniti.

SA : Hakhösi dödö-U khöma Ama, ba be'e aefa khöma horöma andrö ma'afefu...Yaduhu.

¹ Note : Nikolaus Herman 1554

SATO : Manunö : BZ. Numero 224 : 1

224. NA'UBINI'Ö HORÖGU KHÖ YESU

1. Na'ibini'ö horögu khö Yesu, ba lö usöndra za hono dödögu
U'ombakha'ö ngawalö horögu, mo lala dödö.

SA : **Turia Wangefa horö** : “ Imane taroma Li Lowalangi : Ba no erege dödö-Gu öbe'e ba horöu andrö; no öfakao-Do olalöwamö. Ya'o, Ya'odo andre zamunu lalöu andrö, börö ndra'o, ba lö'ö sa'ae itörö tödö-Gu horöu. LAKHÖMI KHÖ LOWALANGI SI YAWA.....

SATO : Manunö:

450. BA FA'ATULÖ BA GULIDANÖ

do = d 4/4

MM = 74 – 84

1. Ba fa 'a tulö ba gulidanö ba niha ni'omasi 'ö andrö

(mudadao zato)

7. FOMBASO TAROMA LI LOWALANGI NIBASO FÖNA HUHUUO (AB)

- SA** : Fombaso taroma li Lowalangi föna huhuo tehalö moroi ba zura **Luka 21:34-38**
34. Ba mi'angelama, fa böi arörö dödömi ba wemangamanga ba ba wemabumabu ba ba wa'abu dödö ba mbalazo, ba i'ozumagö ikhamö ami bawa da'ö;
 35. hulö dandrawa sa'ae ihawui fefu zi so ba guli danö, ma'asagörö, misa.
 36. Ba böi miförö ero ma'ökhö, mi'angandröngandrö, ena'ö tola moloï ami ba da'ö fefu, si törö dania, ba ena'ö tola föna Nono Niha nahami.
 37. Ba ba gosali so ia, na ma'ökhö, mamahaö; ba na owi, ba möi ia baero, möi ia mörö ba gahe hili andrö, sotoi hili wanikha.
 38. Ba lahulö wongi niha sato fefu, wangondrasi ya'ia ba gosali, ba wamondrongo huhuonia.

Ya'ahowu zamondrongo taroma Li Lowalangi ba Same badödö...

SA+SATO : Yaduhu

8. FASÖMBATA

- SA** : Iada'e tebe'e khöda ginötö ba wolohe fasömbata khö Lowalangi. Ta'osamuzaigö wame'e, he fasömbata si föföna, ba simanö göi zi mendrua awö zi medölu, sifao fangowuloi ame'ela Persembahan Kasih. Ba si föföna ua da tafondrongo Li Lowalangi me imane:
- ❖ Ba da'ö niwa'ö-Gu: Na so zangatalisi tanömö, ba lö oya'oya ibasi, ba na so zi lö alimagö tanömö, ba oya göi ibasi dania. Ba balazi dödö zamösana; böi abu dödö, ba tenga ni forege; si no aoha gölö fame'e, da'ö sa zomasi Lowalangi. (II Korindro 9:6-7)

Tafa'ema wasömbata khö Lowalangi, manunö ita moroi ba Mbuku Zinunö
Numero 259

259. HE SO' AYA SANGORIFI NIHA 1

do = bes 4/4

MM = 88 - 96

1. He So' aya sangorifi niha sondrorogö fa ' aurima.
Mafa ' ema khö-U wasömbatama föfö mbuala-Mö khöma
No buala si sökhi nibè Zo ' aya ba zamati ba döi Nama.
2. Fahowu' ö fefu halöwöma gasagasa wekolima.
Bè mo' ölö ba molualua, fefu gohitö dödöma.
Ya tobali sumange ba fangebua Döi-Mö Keriso So' aya.
3. Dönisiga ba zorugo Ya'wa, naha nihonogöi Nama.
Me ba da' ö sa mo' ahonoa, zanau' ölö wasöndrata.
Böi tebulö wamati ba fanötöna, irugi ba gamozua.

SA

:

Na no awai la'owuloi/lafa'ema wasömbata, ba owulo tanö furi zangowuloi Fasömbata, lafendrongagö wolohe föna fasömbata, ba la'o'ö gofanöwa note zinunö (irama lagu).Fatua lö möi ira wolohe föna, ba imane Sangai Agendre:)

“Da tafasao wasömbatada andre föna Lowalangi,.....Muzizio ita fefu.....
Manunö ita moroi ba Mbuku Zinunö numero 261

261. YA'E ZUMANGE ²

do = d 4/4

MM = 62 – 68

Ira'alawe

1. Ya 'e zumange fa-sömbata, ma ' ohe sumange Yehowa.

Iramatua

Reff: Ma'andrö khö-U fa-ho-wu'ö zu-mange ni 'o- hema khö-Mö

2. Ya'e zumange fasömbata mabe'e soroi ba dödöma.

Reff: Ma'andrö khö-U

3. Ya'e zumange fasömbata buala si'otarai Nama.

Reff: Ma'andrö khö-U

4. Ya'e zumange fasömbata, boto, noso, ba fa'aurima

Reff: Ma'andrö khö-U

5. Ya'e zumange fasömbata, lö irugi zomasi dödö-U.

Reff: Ma'andrö khö-U

6. Ya'e zumange fasömbata, ma'aohasi gölö Zo'aya.

Reff: Ma'andrö khö-U

FANGANDRÖ :

(Fangandrö nidönia'ö fasamösa zangowuloi fasömbata, aefa da'ö ba lafa'ema ba Danga zangai huhuo, itema'ö sangai huhuo awena itou'ö ba dete meza. Ba na so Wasömbata si sambua ni'ofulu, owasa wanaru ma owasavwamasi, btn ba itema'ö sangai huhuo si fao taroma Li Lowalangi si faudu ba wasömbata ni'owuloi andrö) **Mudadao Zato**

9. KOOR/VOKAL GROUP

SA

:

Da tafaogö dödöda ba wanuno Lowalangi faoma sinunö ni'olohesi:

- Koor ba Vokal Group
- a. Koor Jemaat
 - b. Kegiatan Komisi Bapak
 - c. Kegiatan Koremda
 - d. Kegiatan Sektor 1
 - e.

10. MANUNÖ

SA

:

Da tafa'anö dödöda wamondrongo taroma Li Lowalangi, manunö ita moroi

Ba Mbuku Zinunö **numero 163**

163. UHONOGÖ SIBAI DÖDÖGU

do = a, 4/4

MM = 76 – 82

1. Uhonogö sibai dödögu ba wamondrongo li Mö Yesu

Mangalulu ndra'odo föna-U ba gametahö-Mö ia da 'a
Öbayoini Eheha-U Yesu dozigö mbanua samati khö-U.

Ubokai dödögu khö-U Yesu nahia daroma li-U.

Taroma li-Mö lö fa'atebulö menewi ma'ökhö ba si'ogötö'ö lö sa mamalö.

Taroma li-Mö si möi fangabölö utema'ö soroi ba dödö, tolo ba wolo 'ö.

11. HUHUAO SEBUA

SH

:

Ya'irorogö dödömi, awö gera'erami fa'ohahau dödö andrö, khö Lowalangi, Sabölö moroi ba gera'era niha fefu, ba khö Keriso Yesu. Mangandrö ita.....Yaduhu.

- a. Fombaso taroma Li Lowalangi **Kolose / Kolose 1:9-14 (Tuho:Böi Mifamalö Wangandrö / Tetap Berdoa)**

- b. Fanuriaigö

- c. Nitanö ba dödö. *Luka / Lukas 21:36a (Ba böi miförö ero ma'ökhö, mi'angandröngandrö. / Berjaga-jagalah senantiasa sambil berdoa.)*
- d. Fangandrö Fanga'aro'ö huhuo

SATO : Manunö : BZ. Numero 154 : 1

154. NO MAFONDRONDRONGO LIU³

do = es 4/4

MM = 96 - 104

- No mafondrondrongo li-U, Lowalangi So ' aya.
Tanö ba dödöma ia, fa böi olifuga.
Fahowu 'ö ia khöma, ena ' ö ohahau dödöma fefu.
Heta ba dödö zi lö sökhi, ma'o ' ö niwa 'ö-U.

12. TUHO WAMATI

SA : Me notarongo daroma Li Lowalangi, ba da tafaogö Lida wamaduhu'ö famatida Ya'ita niha Keriso föna Lowalangi, muzizio ita fefu.....endronga lida

- SA+SATO** :
- ❖ Ya'o mamati khö Lowalangi Ama si lö ambö fa'abölö, somböi banua si yawa awö danö.
 - ❖ Ya'o mamati Khö Yesu Keriso, So'aya ya'ita, Ono Lowalangi si ha samösa, nitema nina-Nia Maria khö Geheha Ni'amoni'ö, Ono nono alawe Ia, no manaögö huku Ia, barö mbawa Fondrio Filato, teforöfa Ia, mate,ba lako'o. No möi Ia ba mbanua niha tou, no maoso Ia moroi ba ngai zimate me no irugi tölu ngaluo. No manahae Ia, möi ba zorugo, dumadao ba gambölö Lowalangi Ama si lö ambö fa'abölö. I'otarai da'ö mangawuli Ia dania ba wanguhuku niha sauri, awö zi no mate.
 - ❖ Ya'o mamati khö Geheha Ni'amoni'ö, ba ufati ha sambua mbanua ni'amoni'ö, fefu niha Keriso, fa'awösa niha ni'amoni'ö, ba fangefa horö, ba femaoso mboto zimate, ba fa'auri si lö aetu. Yaduhu. (Mudadao zato)

13. ANGOMBAKHATA BA MBANUA NIHA KERISO

SA : Da tafondrondrongo gangombakhata:.....

MANUNÖ

SA : Manunö ita moroi ba Mbuku Zinunö **numero: 291 Ayati 1-2**

291. MA' O' Ö NDRA' UGÖ, YESU¹

do = f 3/4

MM = 76 - 84

- Ma ' o ' ö Ndra' ugö, Yesu, ba matara lahe-Mö.
Me no Öhöliga fefu, ba zulö huku horö.
Omuso dödöma, omuso dödöma.
Me so ae Ndra' ugö Yesu, same ' e aurifama.
- Ba tenga moroi ba khöma, wa ma' o' ö Ndra' ugö.
Tebai na fa' abölöma, ba wanara lahe-Mö.
Ya' ugö Keriso, Ya' ugö Keriso.
Ha Ya' ugö sa gubalo, si lö faröi, sanolo.

15. FANGANDRÖ SALAHI + FAMATENGE + HOWUHOWU

SH : Muzizio ita fefu, mangandrö ita :.....(tetohugö) : Ba döi Zo'aya ya'aga Yesu Keriso, Si no mamahaö ya'aga ba wangandrö mamane :

6

SH + SATO : He Ama khöma siso ba zorugo, ya te'amoni'ö döi-U. Ya tobali banua-U fefu niha, Ya itörö zomasi ndra'ugö, hulö ba zorugo, ya si manö göi ba gulidanö. Öma sirugi ma'ökhö be'e khöma ma'ökhö andre. Ba efa'ö khöma horöma, si mane fangefa'öma sala ba zi so sala khöma. Böi ohe ndra'aga ba wanandraigö, efa'öga ba zi lö sökhi. Me ya'ugö zamatörö banua-U, ba sokhö fa'abolö, awö lakhömi, irugi zi lö aetu. Yaduhu

SH : **FAMATENGE + HOWUHOWU** :
Mi'angawuli si fao fa'ohahau dödö, ya tobali ami sura Keriso, samaduhu'ö Ya'Ia ba Lala wa'aurimi sero ma'ökhö, ba mitema (tatema) howuhowu Lowalangi :
❖ Ya mufahowu'ö ami/ita Lowalangi, Ya murorogö ami/ita
❖ Ya mufohaga mbawa-Nia Khömi/khöda, Ya mu'ebua'ö dödö-Nia khömi/Khöda
❖ Ya mufalemba hörö-Nia khömi/khöda, Ya mube'e wa ohahau dödö khömi/khöda fefu. Yaduhu

SATO : Manunö BZ.Numero **291 ayati 3**
291. MA' O' Ö NDRA' UGÖ, YESU 1

do = f 3/4

MM = 76 - 84

3. He Yesu, böi röi ndra' aga, ba lala ba wekoli.

Me oya sibai nuduma, sedöna mangalani.

Ya' ugö zi möna, Ya' ugö zi möna.

Ha Ya' ugö sa Razoma, samè khöma femöna.

SH : YA'AHOWU

SATO : YA'AHOWU